

2019

VAIPHEI
(Modern Indian Language)

Full Marks : 100

Pass Marks : 33

Time: Three hours

Dawtna zosia dawnhu ding ahi.

SECTION – A (PROSE)

25 MARKS

1. Suiting leh Ngambawm pian masang ah, a nu teu, Hawilai leh Nunnemte lawi chan kiho lim na zik in. 4
2. Vaiphei chawndan ah “Phung Inchuan” leh “In Thiak” ti hi hilchian in. 4
3. Kidoupi khatveina April 1918 ah war conference Delhi ah India thasang a chia kha kua ahem chuleh bang medal ahem ahung lak kha ? 2
4. Khut a teptena bawl hih kua te a ding in a lungthimu a gen daw thei nau um sun chuh ahi em ? 2
5. Kuate hi “Nau Laidawm” a kiti em? 2
6. Maharaja Chandrakirti hi bangtik kum in kuan atha asang em ? 2

P.T.O.

7. Mun chuam chuam ah um mite hi, nam khat a hui ti hiat theina hi bang bang ahi em ? 2
8. Aids natna ah damloute panpina dinga khangthak te mawpuakna zik in ? 2
9. Tawmngai mite kimatchakna pali zik in ? 2
10. Nauzunek hi bang tina ahi em ? 1
11. Suiting in 'Hinglianpa' ati kha kua ahem ? 1
12. Khawmual hi bang genna ahem ? 1

SECTION – B (POETRY)

20 MARKS

13. "Hinsung hun pha a nei sun,
Gel in nisin la hin dan,
Mihingdamsung hun bi hi,
Ko phak, dawtphaka um puau,
Hun pha hun sia 'n a sang thei"
ti hi hilchian in. 5
14. "Gam hawi nuam ah ka len phat chuleh,
Khawvel da um hih zuk thil suk ka tin;
Ka vak vaina gam hih,
Zia chun ka mitthi luang ta pua 'na ;"
Zia hi phuaktu 'n bang agenna ahem hilchian in. 5

15. Phuaktu 'n eipui zing in zia khawvel da um ka fan sung hin ati hi kua kiang ah agen ahi em ? 2
16. Pakcha thiltup bang a hi em ? 2
17. "Kristmas Zingkal" ah mipite lungput hih phuaktu mu dan in bang gual a hi em ? 2
18. "Thimzin guk ah hin zin mang sawlchak" zia thugual hi a kilak dawna leh a um zia hilchian in ? 2
19. "Gamnawng" leh "Chawi-vawnliang" te thumal umzia gen in ? 2

SECTION – C (READING)

20 MARKS

20. (A) ANUAI AH THU KIZIK HI SIM IN :

Dolphin hi tuinuai ganhingte laklak ah mihing a ding a gualpha pen ah hiat ahi. Dolphin hin lawng hek te tuisuagiat sung ah kethate tamtak ala panpi dan te le thuanthu ala um hi. Dolphin te khuasak dan hi isui thuk a hi chun a mau khawtang hin dan hi mihingte ngaitua sang in le a thukzaw ahi. Dolphin tehin a mau sung ah hin damlo hi tang tuak a um uh chun aki kai tuaua, nauvawp leh a zawngkhalte le a ki sawmdawl uh hi. Scientist khen khatte chun Dolphin te hin pau a nei ui ti in le a gensek ui, maleh pau neichet lo leule a mau hi hawitak cha kihetua thei hi ding in ginchak a um hi. Amau hi mihingte sangin a pilzaw a hui em le tithei khawp hial ahi. Zia ganhing hi ihiatchian deu deu chun mihingte hi a mau sang in 'chungnung zawu ti hi ahak hi. A ziakchu Dolphin ten mihingte a tha sang in mihing in Dolphin a tha hi a kigen tam zaw ahi. Khawel a hin Dolphin hi chi 40 lam a um ua, atamzawte hi tuiilian a khawsau hi, zia lak a chun chi (species) panga vel hi lui (rivers) haw ah a khawsau hi atiu.

Dolphins hi kihelnuam, thanuam le um thim thamtheilo ganhingte lak a khat ahi. Mihingte tawh akithuathei dan le apil dan hi ki gen chim lo a hi. Dolphin te hin mihing a pua mama nakhat chu ahi le amau hi a dolphin chankhawm pi te tawh alawmin a um khawm sek ua, ki hel khawm le a ching ui.

Dolphins te hi a damsung uh le a sau hi. Khenkhat hi kum 40 tiang dam le a um ui, khenkhat hi kum 70 or 80 tiang dam le a um ui. Achi dung zui in adamkum uh le aki bang puai.

- | | |
|-----------------------------------------------------------------------------|---|
| (i) Dolphin hi bang gual ganhing ahem, chu le ama hi mihingte melma ahi em? | 2 |
| (ii) Dolphin hin kuate hi ala panpisek kha ta em ? | 2 |
| (iii) Dolphin te hi bangziak a mihing pua kiti ahem ? | 2 |
| (iv) Dolphin te kisawmdawl tua dan zik in ? | 2 |
| (v) Dolphin te hi achi dung zui a, a dam kum uh bang gual gual ahem ? | 2 |
| (vi) Dolphin te chungchang ah kigen chimlo kiti hi bang ahem ? | 2 |

(B) ANUAI AH THU KIZIK TE HI SIM IN :

Thanga leh Liana hi khua khat in a chengkhawm ua, Thanga hi mi hausa tak a hin, Liana a hi le vang mi chaga ahi. Apaniu in insung lian mama gel a hui, tu le cha tam tak anei ui. Liana hi a chatgat ziakin nek le chak kining ting anei zo pua, nikhat chu a cheng nakhua a nutsia gua ta a hi. Azi a cha, atute Zosia tawh khawpi sung ah a kipemlut gua tau hi. Khawpi zuan ah a chia lai in thingbul lim nuai khat in a kichawl malam ua. Atu le cha te kianga chun a kichawl na di mun uh chu thialnam un atia. Zia thing chung a chun gucha khat ala kisel ah, ama chu sana gu ala hi. A thialnam zaw phat ua chun, a tu a chate chun a pau/apu kianga chun ka thialnam zo tau ah, a

hivang ah nek le chak di le bangma inei puau ah a tiu ah. Amachun a tu a chate kiang ah chun lungkham kiu ah chunglam ah um Pa Pathian in inek diu chu ei ngai tua piak nan na a tia.

Thingchung ah um pa gucha pa chun le a en ah nek leh chak di bangma a neilo uh chu a mu. Chuleh ama le a kiselna chu Liana te sung haw chun a mu lo dan uh a he. Amau het lo kal in a guk in thing chung a pat in a kum ah a zammang tai. Aki nawna lam in a Sana guk chu a he mil ah a nutsia ta a hi. Zia a Sana guk thingkawng sung ah um hampalak ah kikawi chu Liana'n ahung mu dawk ta. A hawng ah avak et ahi chun Sana a hita. Ama le kipak taluan khawpi lam zuan talo in a khua lam un a kile kit ua, a khuau ah chun nuamtak cha a khawsa tau hi.

- (i) A chung ah thu kizik te kha athu pawu mawte la khawm in lang note siam dan diktak mangchan note siam in. 5
- (ii) "Kiningting" ti thumal hi Vaiphei pau mama in a kibat pi zik in. 3

SECTION – D (WRITING)

25 MARKS

21. (a) Nang chu Malsawm lahia, Ccpur Public College ah information Secretary lahi. La college ua "World Environment Da/" 5th June 2019 ah mang ding la hui ah. Zia chungchang ahin notice zik dan diktak mangchan tang Hiatsakna (Notice) pakhat zik in. 5

Or

La min chu Mamang ahia, Khuptiong Thingtang College ah Vice principal lahia, la college ua zillai chapangte a ding a "Career Counselling Session" la guariggal uh chu, la college notice board ua tak ding in, notice zik dan diktak mangchan lang Hiatsakna (Notice) pakhatzik in.

- (b) La min hi Gegen ahia, tulai chuuk(Rainy Season) laitak ah la chenna khawpi (in your town) sunga lam lian a bawl ziak ua mipi ten haksatna atuakteu leh guatui tam laitak ah lampi ki bawl chu pang sawt ding a ginchak a um lo dan te hi mipi leh government het ding in news editor pa kiang in lekha thawt zik dan diktak mangchan lang thumal 100-150 vel in zik in. 8

Or

La min Lalbawi/Sangkim ahia, tuchung class-xii exam la zawtak le, maban ah bang subject lak di ahem chuleh la pan lakthak di dan te la upa kianga lampi hawi zaw ahung kaww mu theina dinga la dawtna lekhatthawt khat, lekhatthawt zik dan diktak mangchan lang zik in.

- (c) "Student te Hinkhua" essay in zik in. 12

Or

"Chate hi Nu leh Pa a ding ah go ahi" essay in zik in.

SECTION – E (GRAMMAR)
10 MARKS

22. (A) A nuai a thutawnte hi a chi (type) zik in.

- | | | |
|------|------------------------------------------|---|
| i. | Ka pianni ka gen theipua'i. | 1 |
| ii. | A pa a genthei a, ma leh a huangphal hi. | 1 |
| iii. | Khualai pawtna ding in a satalua hi. | 1 |
| iv. | Ama'n ha sim ziang ma leh a pass zopuai. | 1 |
| v. | Nisa a turn ah, chunkieu ka hung tau hi. | 1 |

(B) A nuai a thumal/paugil/ tubawngte hi a umziazik in.

- | | | |
|------|-----------|---|
| i. | Niangtui | 1 |
| ii. | Sausuan | 1 |
| iii. | Zunleng | 1 |
| iv. | Simthi | 1 |
| v. | Chawlchen | 1 |